

AGERIKO BATZARRA

Bilbon, 2000.eko abenduaren 22an

Bilbon, Euskaltzaindiaren Plaza Barriko egoitzan, 2000. urteko abenduaren 22an, arratsaldeko ordu bata eta erdietan, eman zaio hasiera Euskaltzaindiaren batzar irekiari. Urriko bilkuran izendatutako euskaltzain ohorezko berriei beren agiriak banatzea da bilkuraren xedea.

Batetik, goizeko bilkuretan izan diren euskaltzainak bildu dira: J. Haritschelhar, euskaltzainburua, H. Knörr, buruordea, P. Goenaga, idazkaria, J. A. Arana, diruzaina, M. Azkarate, P. Charritton, J. L. Davant, A. Iñigo, X. Kintana, E. Larre, J. M. Lekuona, B. Oihartzabal, F. Ondarra, Tx. Peillen, J. San Martin, J. M. Satrustegi, Andres Urrutia eta Patxi Zabaleta.

Euskaltzain ohorezkoen artean honako hauek: P. Andiazabal, K. Etxenagusia, X. Gereño eta J.A. Retolaza.

Urgazleak: A. Arejita, G. Aurrekoetxea, R. Badiola, L. Baraiazarra, E. Etxezarreta, J.L. Goikoetxea, M. Gorrotxategi, J.M. Larrarte, J.L. Lizundia, A. Muniategi, K. Rotaetxe, P. Uribarren eta J.J. Zearreta.

Lehendabizi, idazkariak goizeko bilkuraren berri eman die batzartuei. Hileroko ohiko batzarrean hartutako erabakiak laburbildu ditu lehenbizi eta ondoren, zuzendari-tzarako hauteskondeen berri eman die.

Gero, 2001. urterako onartu den akademia egutegia azaldu zaie bilduei.

Azkenik, euskaltzain ohorezko berriei, batzarrean zirenei, izendapen agiriak banatu zaizkie. Bileran agiriok jaso dituztenak honako jaun hauek izan dira: Jose Antonio Retolaza Ibaranguoitia eta Pierre Andiazabal. Gainerakoei, Junes Casenaveri, Suzuko Tamurari, Jan Brauni, Bitoriano Gandiagari eta Mariano Izetari, beste bide batez helaraziko zaizkie izendapen agiriak. Dena dela, Suzuko Tamurak gutun luze bat igorri du, euskaltzainburuak irakurri duena, eskerrak emanaz eta bere ezin etorria adieraziz.

Euskaltzainburuak zorionak eman dizkie izendatu guztiei, eta ordubietan amaitutzat eman da bilkura irekia.